

Sindikat radnika u zdravstvu u Kantonu Sarajevo

Obala Kulina bana 1

Broj: 6/16

Sarajevo, 07.01.2016. godine

**Uputstvo o načinu obraćanja za besplatnu pravnu pomoć
članova Sindikata radnika u zdravstvu u Kantonu Sarajevo**

Članovi Sindikata radnika u zdravstvu u Kantonu Sarajevo (u daljem tekstu: Sindikat) imaju pravo na besplatnu pravnu pomoć u skladu sa Statutom i Pravilnikom o pravnoj zaštiti članstva Sindikata, a sve u cilju ostvarivanja i zaštite svojih prava iz i po osnovu radnog odnosa.

Ostvarivanje prava na besplatnu pravnu pomoć u skladu sa Statutom i Pravilnikom o pravnoj zaštiti članstva Sindikata ne ograničava pružanje pravne pomoći od strane advokata, službi za besplatnu pravnu pomoć i drugih organizacija osnovanih u skladu sa posebnim propisima.

Besplatna pravna pomoć podrazumjeva pravno savjetovanje, sastavljanje pismena, zastupanje radnika pred poslodavcem i u postupku pred sudom.

KO IMA PRAVO: Pravo na besplatnu pravnu pomoć, prema Statutu i Pravilniku o pravnoj zaštiti članstva Sindikata, te propisanim uslovima, imaju članovi Sindikata.

KADA IMA PRAVO: Članovi Sindikata imaju pravo na besplatnu pravnu pomoć u slučaju kršenja prava iz domena sindikalnog djelovanja, radnog odnosa, socijalnog osiguranja i socijalne pomoći.

NA ŠTA IMA PRAVO: Oblici besplatne pravne pomoći obuhvataju: opštu pravnu informaciju, pravni savjet, pravno mišljenje, sastavljanje pismena prema poslodavcima i organima uprave nadležnim za ostvarivanje prava radnika, pisanje tužbi, žalbi i drugih podnesaka u parničnom postupku, pisanje prijedloga za izvršenje, prigovora, žalbi i drugih podnesaka u izvršnom postupku, zastupanje u parničnom i izvršnom postupku, sačinjavanje apelacija.

KADA SE I GDJE OSTVARUJE PRAVO: Zahtjev za odobravanje besplatne pravne pomoći podnosi se u pisanoj formi Predsjedništvu osnovne sindikalne organizacije prema mjestu zaposlenja i rada člana Sindikata.

U slučaju da članu Sindikata ne bude pružena pravna pomoć ili član Sindikata nije zadovoljan pruženom pomoći, odnosno rješenjem i mišljenjem Predsjedništva osnovne sindikalne organizacije, član Sindikata se može, pisanim putem i uz dostavljanje odgovora Predsjedništva osnovne sindikalne organizacije, obratiti Glavnom odboru Sindikata.

